



Broj: 12-14-1844-1/19

Sarajevo, 30. 9. 2019. godine

Na osnovu člana 70. Zakona o javnim nabavkama („Službeni glasnik BiH“, broj 39/14) i preporuke Komisije za provođenje postupka nabavke, putem postupka – konkurentski zahtjev za dostavu ponuda za izbor najpovoljnijeg ponuđača za potrebe Ureda za reviziju institucija u Federaciji BiH iz Zapisnika o pregledu i ocjeni ponuda broj 12-14-1473-10/19 od 6. 9. 2019. godine, generalni revizor donosi

ODLUKU

o poništenju postupka javne nabavke – nabavka telekomunikacijskih usluga za LOT 1, LOT 2 i LOT 3

I

Poništava se postupak javne nabavke – konkurentski zahtjev za dostavu ponuda za izbor najpovoljnijeg ponuđača za nabavku telekomunikacijskih usluga za potrebe Ureda za reviziju institucija u Federaciji Bosne i Hercegovine i to: LOT 1 – Nabavka usluga fiksne telefonije, LOT 2 – Nabavka usluga mobilne telefonije i LOT 3 – Nabavka usluga pristupa internetu, iz razloga što nema prihvatljivih ponuda.

II

Zadužuje se Odjeljenje za pravne i opće poslove i ljudske resurse da ovu odluku dostavi ponuđačima – učesnicima u postupku u roku od 3 (tri) dana, a najkasnije u roku od 7 (sedam) dana od dana donošenja ove odluke, elektronskom poštom.

III

Ova odluka stupa na snagu danom donošenja i objavit će se na internetskoj stranici Ureda za reviziju institucija u Federaciji Bosne i Hercegovine: www.vrifbih.ba, sa upućivanjem iste ponuđačima koji su sudjelovali u postupku javne nabavke, saglasno članu 70. stav (6) i članu 71. stav (2) Zakona.

Obrazloženje

Odlukom o pokretanju postupka javne nabavke broj 12-14-1473-1/19 od 23. 7. 2019. godine, Ured za reviziju institucija u Federaciji Bosne i Hercegovine (u daljem tekstu: Ugovorni organ) pokrenuo je postupak javne nabavke – konkurentski zahtjev za dostavu ponuda za izbor najpovoljnijeg ponuđača za nabavku telekomunikacijskih usluga za potrebe Ureda za reviziju institucija u Federaciji BiH, za budžetsku 2019. godinu. Predmet nabavke bio je podijeljen na lotove.

U skladu sa odredbama člana 35. Zakona, Obavještenje o javnoj nabavci broj 296-7-2-20-3-13/19 objavljeno je na Portalu javnih nabavki 5. 8. 2019. godine, uz upućivanje poziva za dostavu ponuda na adrese potencijalnih ponuđača.

Postupak javne nabavke provela je Komisija imenovana Rješenjem generalnog revizora broj 12-14-1473-2/19 od 23. 7. 2019. godine, koja je sačinila: Zapisnik o zaprimanju ponuda od 2. 9. 2019. godine, Zapisnik o otvaranju ponuda od 2. 9. 2019. godine, Analitički prikaz traženih i dostavljenih dokumenata – Kvalifikacija ponuđača br. 12-14-1473-9/19 od 6. 9. 2019. godine, Zapisnik o pregledu i ocjeni ponuda br. 12-14-1473-10/19 od 6. 9. 2019. godine.

U postupku pregleda i ocjene ponuda Komisija za javne nabavke je utvrdila da ponude koje su dostavljene za LOT 1, LOT 2 i LOT 3 nisu prihvatljive.

1. LOT 1 – Nabavka usluga fiksne telefonije

Za LOT 1 – nabavka usluga fiksne telefonije, Ugovornom organu dostavljena je samo jedna ponuda, i to od ponuđača BH TELECOM d.d. Sarajevo.

Ponuda ovog ponuđača nije prihvatljiva zbog sljedećeg:

- BH TELECOM d.d. nije dostavio kopiju ponude za LOT 1, što je u suprotnosti sa tačkom 7. Tenderske dokumentacije, kojom je propisano: „Ponuđač je obavezan dostaviti jedan original i jednu kopiju ponude. Kopija se dostavlja zajedno s originalnom ponudom. Ponude se jasno naznačavaju na sljedeći način: 'original' i 'kopija' ponude. U slučaju razlike između originala i kopije ponude, vjerodostojan je original ponude.“

2. LOT 2 – Nabavka usluga mobilne telefonije

Za LOT 2 – nabavka usluga mobilne telefonije, Ugovornom organu ponude su dostavila dva ponuđača: BH TELECOM d.d. i Mtel a.d.

Ponuda ponuđača BH TELECOM d.d. nije prihvatljiva zbog sljedećeg:

- BH TELECOM d.d. nije dostavio kopiju ponude za LOT 2, što je u suprotnosti sa tačkom 7. Tenderske dokumentacije, kojom je propisano: „Ponuđač je obavezan dostaviti jedan original i jednu kopiju ponude. Kopija se dostavlja zajedno s originalnom ponudom. Ponude se jasno naznačavaju na sljedeći način: 'original' i 'kopija' ponude. U slučaju razlike između originala i kopije ponude, vjerodostojan je original ponude.“

Ponuda ponuđača Mtel a.d. nije prihvatljiva zbog sljedećeg:

-Mtel a.d. nije ispunio zahtjeve iz Tehničke specifikacije za LOT 2, pod rednim brojem 28, odnosno ponuđač nije zadovoljio zahtjev iz ponude obzirom da nije ponudio mogućnost prenosa nepotrošenih minuta za pozive u okviru pretplate u naredni mjesec.

3. LOT 3 – Nabavka usluga pristupa internetu

Za LOT 3 – nabavka usluga pristupa internetu, Ugovornom organu ponude su dostavila dva ponuđača: BH TELECOM d.d. i Telemach d.o.o. Ilidža.

Ponuda ponuđača BH TELECOM d.d. nije prihvatljiva zbog sljedećeg:

- BH TELECOM d.d. nije dostavio kopiju ponude za LOT 3, što je u suprotnosti sa tačkom 7. Tenderske dokumentacije, kojom je propisano: „Ponuđač je obavezan dostaviti jedan original i jednu kopiju ponude. Kopija se dostavlja zajedno s originalnom ponudom. Ponude se jasno naznačavaju na sljedeći način: 'original' i 'kopija' ponude. U slučaju razlike između originala i kopije ponude, vjerodostojan je original ponude.“

Ponuda ponuđača Telemach d.o.o. Ilidža nije prihvatljiva zbog sljedećeg:

- Telemach d.o.o. Ilidža je vršio korekcije na obrascu za cijenu ponude za LOT 3 na način da je mijenjao propisani obrazac ANEX I – LOT 3 pod rednim brojem 4, kolona 6, što je suprotno zahtjevima Tenderske dokumentacije (Poglavlje 5. tačka 5.1.: „Ponuđač ne smije mijenjati ili nadopunjavati tekst tenderske dokumentacije“).

U predmetnom postupku nabavke, ponude koje su dostavili navedeni ponuđači za LOT 1, LOT 2 i LOT 3 nisu bile potpune i nisu ispunjavale zahtjeve iz tenderske dokumentacije, pa je, shodno članu 68. st. (4) Zakona o javnim nabavkama, Ugovorni organ dužan takve ponude odbaciti, a shodno članu 69. stav 2. tačka d), s obzirom na to da nijedna od primljenih ponuda nije bila prihvatljiva, postupak javne nabavke poništiti.

U postupku ocjene provedenog postupka (Zapisnik o zaprimanju ponuda od 2. 9. 2019. godine, Zapisnik o otvaranju ponuda od 2. 9. 2019. godine, Analitički prikaz traženih i dostavljenih dokumenata – Kvalifikacija ponuđača br. 12-14-1473-9/19 od 6. 9. 2019. godine, Zapisnik o pregledu i ocjeni ponuda br. 12-14-1473-10/19 od 6. 9. 2019. godine), rukovodilac ugovornog organa nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za predmetnu javnu nabavku, pa je u skladu sa članom 69. stav (2) tačka d) i članom 70. stav (4) i (6) Zakona o javnim nabavkama, donio odluku kao u dispozitivu.

Pouka o pravnom lijeku: Protiv ove Odluke, u skladu sa članom 97. i članom 101. Zakona o javnim nabavkama, može se izjaviti žalba Ugovornom organu – Uredu za reviziju institucija u Federaciji BiH, najkasnije u roku od 5 (pet) dana od dana zaprimanja odluke.

Žalba se izjavljuje Uredu za razmatranje žalbi/kancelarija za razmatranje žalbi – Filijala/podružnica Mostar, putem Ugovornog organa, u pisanoj formi, direktno ili preporučenom pošiljkom.

Žalba se podnosi u najmanje 3 (tri) primjerka.

Dostaviti:

- BH TELECOM d.d.
- Mtel a.d.
- Telemach d.o.o. Ilidža
- Odjeljenju za IT
- a/a



GENERALNI REVIZOR

Dževad Nekić, dipl. oec.